

— 36 —

SONNEN

En hani e garan

N'en des chet guer - so bras é to net a bel
bro E - tal ur fe tan kloar én ur hoe dig dis -
tro, Me gleu as ur voéh vraù, ur voéh mel koni - us
É kañ nein ur gañ nen, ur gañnen tru hé us

I

N'en des chet guerso bras, é tonet a bel bro,
Etal ur fetan kloar, én ur hoedig distro,
Me gleuas ur voéh vraù, ur voéh melkonius
É kañnein ur gañnen, ur gañnen truhéus

II

Me gleuas ur plahig é kañnein kirvoudus
Kañnennig hé halon, ur han karantéus ;
Hag ar ur bod freskon, énig en Eutru Droué,
D'er plahig glaharet d'é dro e ziskañnez.

III

« En hani e garan e hra d'ein huañnedein
Huañnadein noz ha dé, dé ha noz hirvoudein ;
Raksé chonjet em es eit disammein m'inéan
Seuel ur soñnennig d'en hani e garan

— 37 —

IV

En hani e garan n'en des dén ar en doar,
N'en des na tad na mam, n'en des na kar na par ;
Kollet en des é dud ag en oed tinéran
U'r heh éneavad é en hani e garan

V

En hani e garan zou drest en ol bautred,
N'en des hañni haval meit martezen éled ;
Meit martezen éled en Eutru Doué én néan
N'en des hañni haval d'en hani e garan.

VI

En hani e garan en des deu zornig guen,
Bléu milén èl en eur distennet pen-der-ben ;
Braù é boéh en estig, ér hoedig glas pe gan,
Mes guel é genein boéh en hani e garan

VII

En hani e garan en des deulagad luem,
Pe daul arnonn ur sél, me halonig e duem ;
Flour é hoarh goleu-dé, pe saù d'en neué han,
Mes flouroh é minhoarh en hani e garan.

VIII

En hani e garan, gueharal em haré
Kan e hré pe gañnen, pe houilen é houilé ;
É galon ha m'hani ne hrent nameit unan,
Pe oé bihan ér gér en hani e garan.

IX

En hani e garan bremen 'n des me lausket.
Oeit é d'er broieu pel, d'ur vro n'hanaúan ket ;
Oeit é d'er broieu pel de houni tud d'en Néan :
Kollet, kollet é d'ein en hani e garan.

X

D'en hani e garan ne hran meit hirvoudein
Penaus ker pel dohton é hellein mé biuein ?
Mes petra laran-mé ?... Turlubañnein e hran
Dré hir chonjal ataù én hani e garan.

— 38 —

XI

D'en hani e garan mar kollan mé me fen
 Énedigeu, ér hoed, kañnet hui hou kañnen ;
 Éned kañnet ér hoed, kañnet keti-ketan :
 Karanté, karanté d'en hani e garan.

XII

D'en hani e garan é kañnan kenevo
 Kenevo aveit mat beta ma iein d'hur bro,
 Beta ma iein d'hur bro de ranteleh en Néan
 Ino vou é kavein en hani e garan.

XIII

D'en hani e garan ne hran meit huañnadein
 Huañnadein noz ha dé, dé ha noz hirvoudein ;
 Raksen em es sauet ha raksen e kañnan
 Kañnennig me halon d'en hani e garan...

Golvañning-

Dihustelleu

Reskond d'en dihustelleu devéhan a Zihunamb :

- I. — Er gran é pas ar kroéz en deu vén malér.
- II. — En toéz é pas en autér forn.
- III. — Er bod oskal (pikeréz).

DIHUSTELLEU ARAL

I

Petra e ia ar é ben d'er foér
 Hag e za ar é ben d'er gér ?

II

Ur bolomig koh fourchellek
 E klah é seud dré el lanneg ?

III

Un damezél é valé dré me zi
 Ur vantel du geti ?

(D. é Pléheneg gel Job en D. V.)